

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Paraphrasis Psalmorum Davidis Poetica**

**Buchanan, George  
Flaminio, Marco Antonio**

**[Argentorati], 1582**

Psal. CXIII. Laudate pueri dominum, laudate nomen domini, etc.

[urn:nbn:de:bsz:31-127882](https://nbn-resolving.org/urn:nbn:de:bsz:31-127882)

*Dentem fatigans dente ringetur, lue  
Se macerabit tabida.*

*Dominus malorum vota ridet irrita,  
Spes vt modestas promouet.*

PSAL. CXIII. *Laudate pueri Dominum, lau-  
date nomen Domini, &c.*

ARGVMENTVM.

Hortatur ad Deo canenda carmina  
Et prouidentiam eius, & potentiam,  
Clémentiamque prædicat quàm maximam.

CARM. GEN. 25.

**P**Sallite Dominum pueri, Domini  
Nomen festo tollite cantu.

Nomen Domini sit benedictum,

Et sæclorum in sæcula longi

Nulla obliuio sentiat eui.

Primo à carcere solis Eoi

Ad purpureos vsque Occasus,

Omnes Domini nomen adorent,

Qui gentes super arduus omnes

Celsas ætheris incolit arces.

Cuius longè gloria mundi

Trans flammantia mœnia vecta est.

O pietatis nescia vere

Pectora! ritu sacra nefando

O qui fingitis, ànne Deorum

Quenquam Domino similem nostro

*Nostis?*

Nostis? quem super ardua cœli  
 Culmina positum nil latet ima  
 Sub caua clausum viscera terre,  
 Nil humano procul aspectu  
 Trans multiplices ætheris orbes:  
 Inopem terræ qui prostratum  
 Suscitât, & de puluere egenum  
 Tollit, vt alto positus solio  
 Populi primos carpat honores.  
 Qui maternos sterili fructus  
 Exoratus donat, & orbos  
 Lata renouat penates.

PSAL. CXIII. In exitu Israel de Ægypto,  
 domus Iacob, &c.

## ARGVMENTVM.

Vates canit quàm magnam miracula  
 Summus dedit parens, Hebræos cum à solo  
 Ægyptio in recepta regna duceret.

## CARM. GEN. 22.

**Q**uam domus Isacidū patrias remearet ad oras,  
 Barbaraq; inuise linqueret arua Phari,  
 Ipse Deus Iudam cœlesti numine tutum  
 Fecit: erat populi signifer ipse sui.  
 Vidit & attonitas trepidum mare diffidit vndas:  
 Iordanis refugas in caput egit aquas.  
 Lata per intonsos salierunt culmina montes,  
 Vt saturas gestit dux gregis inter oues:  
 Lataq; frondentes mouere cacumina colles,

R v



*Agnus vt in pratis luxuriare solet.  
 Quid mare vidisti solito cur cesseris alueo?  
 Cur fugis in fontes fluminis vnda tuos?  
 Cur ita concusso salistis vertice montes  
 Vt satur exultat dux gregis inter oues?  
 Cur ita frondenti salystis vertice colles,  
 Agnus vt in pratis luxuriare solet?  
 Nempe Dei trepidum presentia terruit orbem,  
 Cui cadit in Solymos victima multa focos.  
 Qui lapidum venas laticum laxauit in vsum,  
 Cui fluxit largo flumine dura filex.*

PSAL. CXV. *Non nobis Domine, non nobis,  
 sed nomini tuo, &c.*

## ARGVMENTVM.

*Orat Deum, vt defendat Hebraeum impijs  
 A Barbaris, qui inuaserant gentem piam:  
 Cuncti vt sciant ipsum Deum verum vnicum,  
 Acceteros fictos Deos mortalibus.*

## CARM. GEN. 3.

**T***E magne rector orbis, haud victoriam  
 Ex hoste sauo poscimus,  
 Nos vt per omnes sama gentes differat,  
 Nec apparatu vt splendido  
 Per ora vulgi nos triumphus aureo  
 Curru superbos transferat:  
 Sed impiarum vt saecula gentium scians  
 Te largum opis cultoribus  
 Tuis, fideq, semper immutabili*

*Promissa*